

經典CP合體 全場瘋狂 嘉欣最強回憶 林峯感動想喊

林峯前晚在紅館舉行第5場《GO WITH THE FLOW 林峯演唱會》，邀得前緋聞女友鍾嘉欣擔任嘉賓，兩人合唱《瀟心風暴》劇集片尾曲《心領》，重現經典CP「程亮」和「常在心」的集體回憶。嘉欣與林峯齊齊話當年，一向Man爆的林峯坦言感動得差點哭出來。



■嘉欣親民走近觀眾席握手。

鍾嘉欣甫出場，全場即驚喜歡呼，雖然她與林峯久未合作，但合唱《馴獸師之王》時非常合拍。唱畢兩人來個擁抱，林峯更高呼「沒有常在心的日子第7,900日」，嘉欣開心得哭着說：「好似發夢，真係好開心，我哋十幾年冇見喇。」林峯隨即用紙巾為嘉欣拭淚，並說：「唔好喊，個妝會花。」

嘉欣說：「死啦！我點唱落去？好開心見到林峯嘅成就，亦令我回想起好多以前嘅事，管家仔（林峯在《家好月圓》角色）。」林峯笑言只不過十多年沒見，不算很久，嘉欣笑言：「你生咗一個（小朋友），我仲生咗3個。初相識時，我係22歲，你就27歲，真係有好多回憶。當時我已知你會發光發亮，只係等你幾時爆發，相信你會繼續爆落去。」林峯坦言也感動到差點哭出來，嘉欣笑言：「你都想喊？我未見過你喊，你一向好Man，如果搞

喊你，我真係好叻！」

勾手指約定做紅館嘉賓

林峯表示十多年前與嘉欣同台唱了一首歌，充滿回憶：「知道唔唱呢首歌，觀眾係唔會放過我哋，無奈真係冇練習，所以只能唱半首滿足大家。」隨即與嘉欣合唱半首《心領》。嘉欣表示一直有個夢想，就是像林峯一樣在紅館開騷，還跟林峯勾手指打印，約定對方要為她將來的紅館騷擔任表演嘉賓。兩人開心共相擁3次之多，林峯才到後台換衫。

之後嘉欣獨自在台上問觀眾：「如果我哋紅館開演唱會，大家會唔會嚟？」全場叫聲震天以示支持，嘉欣激動說：「我個心依家好澎湃，真係好難控制，呢個場館嘅感覺真係好好！」說罷她繞場一周唱《最幸福的事》，離台前再派心心給觀眾。



■林峯與嘉欣握手合唱，全場瘋狂尖叫。



■林峯為嘉欣抹眼淚。



■林峯勁歌熱舞，全程零氣喘。



■張蔓姿落力為音樂會練歌。

姚焯菲性感睇場合

姚焯菲(Chantel)將於下月首次與張蔓姿、張蔓姿及胡子彤在《新城唱好海洋公園 成長告訴我們的二三事音樂會》合唱，Chantel透露已相約大家一齊練歌，因演出默契很重要：「今次好多歌我都未唱過，到時大家會交換歌唱，好好玩。唱人哋嘅歌好大挑戰，所以要勤力啲練歌。」Chantel亦稱已準備了兩套歌衫：「但一定唔會性感。（點解？）今次場合唔適合。（怕搶鏡？）太緊張，一來大家未合唱過，二來第一次喺海洋公園怡慶坊表演，想專注唱好啲歌。」

張蔓姿亦稱忙於為音樂會做準備：「我哋4個人都會合唱，因為難得有機會一齊錄廣播劇，又未合作過，所以一定要把握呢個機會，呢個組合可能得一次，係好好玩嘅。」



■姚焯菲預告會唱別人的歌。

夏韶聲演唱會名暗藏玄機？

夏韶聲(Danny Summer)昨日舉行記者會，宣傳8月在紅館舉行的《Last Summer》演唱會，邀得陳淑蘭任主持，好友鄭子誠則前來打氣。問Danny今次是否最後一次開騷？他笑言：「《Last Summer》係舊年定係最後嘅意思？就要大家自己諗諗。」他坦言對紅館有情意結：「我細個住紅磡機利士路，真係睇住紅館興建，後來紅館開幕我有幸去打手印。好多謝一班歌迷一直擁護我，一定要搵個體面嘅地方演出，紅館就係標誌性地方，所以堅持喺度開騷。」



■左起：鄭子誠、夏韶聲與陳淑蘭是多年好友。